



Askapena ere Val Di Susako jaialdian izan da

ASKAPENA :: 25/07/2016

2016ko uztailaren 22tik 24ra Val di Susan (Italia) ospatzen ari den "Alaitasun handiko" jaialdian parte hartu du Askapenak. Bailara hau oso ezaguna da abiadura handiko trenaren aurkako borrokan eta erresistentzian urte asko daramatzalako.

Aurten jaialdia hau antolatzea erabaki dute jai kutsua emateko eta aldi berean borroka honen berri lanean aritzeko. Egitarau zabala antolatu dute, Italia osoko musika talde eta artista ezagunek parte hartu dute.

Ikuskizunez gain, hitzaldiak, liburu aurkezpenak, dokumentalak gozatzeko aukera ere badago. Hitzaldi horietako batean, gaur hilak 23, Askapenak Euskal herriko errepresioaren eta hari ematen ari zaion erantzunaren berri eman du. Askapenarekin batera, Italian bertan ere jasaten ari diren errepresioa dela eta, antolatu berri diren senideen elkarteko Torino eta Erromako kideek hitz egin dute. Senide horien familiartekoak, No tav eta mugimendu antifaxistan lanean aritzeagatik izan dira zigortuak.

Ezin dugu ahaztu orain dela aste gutxi batzuk, hainbat kide atxilotuak izan zirela No Tav-eko borrokan aritzeagatik eta beraz, jaialdi guztian zehar haien aldeko aldarriak etengabeak izaten ari dira.

Elkartasunak ez dezala etenik eduki!!

https://www.lahaine.org/mm_ss_est_esp.php/askapena-ere-val-di-susako